



## Uunga Siunnersuut

Sakkut pillugit Kalaallit Nunaannut inatsisip allanngortinneqarnissaa  
pillugu inatsit  
(Aallaasinik il.il. pigisaqarnissamut ukiutigut angusassaq killissaatitaq  
aamma aallaasit toqqorsimanissaannut piunasaqaat)

### § 1

Sakkut pillugit Kalaallit Nunaannut inatsimmi nr. 1008-mi 19. december  
1992-imeersumi, inatsisikkut nr. 572-ikkut, 10. maj 2022-imit aamma  
inatsisikkut nr. 242-ikkut, 7. marts 2023-imeersumit allanngortinneqartumi,  
allannguinerit tulliuuttut suliarineqassapput:

1. § 1, imm. 1-imi »sanianissaq« ima allanngortinneqassaaq: »sanianissaq«
2. § 1-p kingorna ilanngunneqassaaq:
  - »§ 1 a. Inunnut 15-ileereersimangitsunut tulliuuttunik eqquassinissaq,  
sanianissaq, pissarsinissaq, pigisaqarnissaq, nassatarinninnissaq imaluunniit  
atuinissaq inerteqqutaavoq
  - 1) Sakkut kiisalu pequtit § 1, imm. 1-imi ilaatinneqartunit
  - 2) aallaasit allat aamma pequtit, § 1, imm. 1-imi ilaatinneqartunit  
allaanerusut, matumani aallaasit isikkoqartut aamma  
sananeqarnermik imaluunniit atortussat atorneqartut malitsigisaanik  
taamaattunngorlugit sanaqqinneqarsinnaasut ilanngullugit,
  - 3) aallaasip savissai, silussaatai aamma makisartui, nr. 1-imi taaneqartut  
aamma

- 4) aallaasinut imassat, matumani aamma patruunit puui, ikittaatit (tændskruer), qaartartui (fanghætter), kukuttaatit aqerlussallu ilanngullugit.

*Imm. 2.* Imm. 1 apeqqutaatinnagu, inuk naleqquttumik ingiaqateqarpat, inuk 15-ileereersimanngitsoq, aamma sunngiffimmi aallaaniarsinnaanermut allagartamik atuuttumik pigisalik, piniarnermut imaluunniit timmisueriarluni oqattaasarnermut atatillugu, matumani oqattaasarneq aamma nakersaaneq ilanngullugit, aallaasinik aamma pequtinik imm. 1, nr. 2-miit 4 ilanngullugu taaneqartunik nassataqarsinnaavoq imaluunniit atuisinnaavoq

- 1) ingiaasoq 18-ileereersimassaaq aamma
- 2) inuussutissarsiutigalugu piniarsinnaanermut allagartamik imaluunniit sunngiffimmi aallaaniarsinnaanermut allagartamik atuuttumik peqassaaq.

*Imm. 3.* Piniarnermut, matumani oqattaasarneq aamma nakersaaneq ilanngullugit, imaluunniit timmisueriarluni oqattaasarnermut atatillugu inuup pequtit imm. 1, nr. 2-miit 4 ilanngullugu taaneqartut nassarpagit imaluunniit atorpagit, imm. 2 malillugu inuk 15-ileereersimanngitsoq naleqquttumik ingiaqateqarnissaat angajoqqaatut oqartussaasup qulakkiissallugu pisussaaffigivaa.

*Imm. 4.* Imm. 2 malillugu inuup 15-iliisimanngitsup sunngiffimmi aallaaniarsinnaanermut allagartamik atuuttumik peqarnissaa ingiaasup qulakkiissallugu pisussaaffigaa. Aammattaaq ingiaasup inuup 15-ileereersimanngitsup ingerlaavartumik nakkutigineqarnissaa pisussaaffigaa, aamma piniarnerup imaluunniit oqattaasarnerup naanerani, sakkut pequtillu ingiaasumut tunniunneqarnissaat qulakkiissallugu.«

### 3. § 2-mi imm. 2-tut ilanngunneqassaaq:

»*Imm. 2.* Pisuni, pequtinik pissarsinissamut imaluunniit pigisaqarnissamut § 1 a, imm. 1 malillugu ukiutigut angusassamik killissaatitaq pillugu piunasaqaat atuutsillugu, pissarsisup imaluunniit tiguisup 15-inik ukioqalereersimanini uppersarsarsimanngippagu, taakkua tunniunneqarnissaat imaluunniit allanut pigisassanngortinneqarnissaat inertequtaavoq, taamaattoq § 1 a, imm. 2 takuuk.«

### 4. § 3-p kingorna ilanngunneqassaaq:

»§ 3 a. Sakkut pequtillu, inatsimmi matumani ilaatinneqartut susassaqqanngitsunit illersorneqarsinnaasumik aamma tikinneqarsinnaanngitsumik toqqorneqassapput.

*Imm. 2.* Sakkut aamma imassat il.il. pillugit malittarisassanik, isumannaatsuunissaq eqqarsaatigalugu pisariaqartinneqartunik, inatsiseqarnermut ministeri aalajangersaasinnaavoq.«

5. § 4, *imm. 1--imi*, »inuit,« kingorna ilanngunneqassaaq: »15-inik ukioqalereersimasut, aamma«.

6. § 13, *imm. 1-imi*, »§ 1, *imm. 1*,«-p kingorna ilanngunneqassaaq: »§ 1 a, *imm. 1*, 3 aamma 4« aamma § 2-p kingorna ilanngunneqassaaq § 3 a,«.

7. § 13-imi *imm. 3-tut* ilanngunneqassaaq:

»*Imm. 3.* Inatsimmik massuminnga unioqqutitsinermut pinerluttulerinermi inatsimmi malittarisassat malillugit arsaarinnittoqarsinnaavoq.

## § 2

Inatsit ulloq 1. juli 2025 atuutilissaaq.

*Inatsisissatut siunnersuummut oqaaseqaatit*

*Oqaaseqaatit nalinginnaasut*

**Imarisai**

<b>1. Aallaqqaasiut .....</b>	<b>5</b>
<b>2. Inatsisissatut siunnersuummi immikkoortut pingaarnerit .....</b>	<b>5</b>
2.1. Aallaasinut nakkutilliinissamik aaqqissuussineq .....	5
2.1.1. Inatsisit atuuttut .....	5
2.1.2. Inatsiseqarnermut ministereqarfiup isumaliutiginninneri aaqqissuussinerlu siunnersuutigineqartoq .....	7
2.1.2.1. Ukiutigut angusassaq killissaatitaq pillugu piumasaqaatip atulersinneqarnera .....	8
2.1.2.2. Ingiaqateqarnissamik aaqqissuussinerup atulersinneqarnera .....	9
2.2. Toqqorsineq .....	11
2.2.1. Inatsisit atuuttut .....	11
2.2.2. Inatsiseqarnermut ministereqarfiup isumaliutiginninneri aaqqissuussinerlu siunnersuutigineqartoq .....	12
<b>3. Pisortanut aningaasaqarnikkut kingunissaa aamma atortuulersitsinerlut kingunissaa.....</b>	<b>12</b>
<b>4. Inuussutissarsiornermut il.il. aningaasaqarnikkut allaffissornikkullu kingunissaa.....</b>	<b>12</b>
<b>5. Innuttaasunut allaffissornikkut kingunissaa .....</b>	<b>13</b>
<b>6. Silaannaap pissusaanut kingunissaa.....</b>	<b>13</b>
<b>7. Avatangiisinut- pinngortitamullu kingunissaa.....</b>	<b>13</b>
<b>8. EU-mi inatsisitigut tunngassuteqartut .....</b>	<b>13</b>
<b>9. Oqartussat suleqatigiiffiillu il.il. tusarniaaffigineqartut .....</b>	<b>13</b>
<b>10. Immersugaq eqikkaaffiusoq.....</b>	<b>13</b>

## 1. Aallaqqaasiut

Qanittumik aamma aaqqiissutissanik ujaarlernermik sammivilimmik naalakkersuisut Kalaallit Nunaat suleqatigerusuppaat. Taamaammat – nunat taakku akornanni pissutsit assigiinnngissutsillu ataqqillugit, ilaatigut Kalaallit Nunaanni qallunaat akisussaaffigalugit suliassa qarfiini tamanut atugassiat Danmarkimi tamanut atugassianik malinninnissaat naalakkersuisut sulissutigaaat.

Suliamut tassunga atatillugu Naalakkersuisut kissaateqarneratigut Inatsiseqarnermut ministereqarfiup inatsisissatut siunnersuut manna suliarisimavaa, taannalu inatsisip 1992-imi akuersissutigineqarnerata kingorna Sakkut pillugit Kalaallit Nunaannut inatsisip siullermeerluni annertunerusumik nutarterneqarneranik imaqarpoq.

Sakkut pillugit Kalaallit Nunaannut inatsit atuuttoq aallaasinut immikkut ittumik navianassusilinnut nakkutiginninnissamik aaqquissuussinermik imaqarpoq. Kisianni – aamma meeqqanut – piniarnermut sakkut nalinginnaasut kikkunnilluunniit pissarsiarineqarsinnaapput, matumani timmiarsiutit qoorortuullu ilanngullugit, taamaattoqarneralu kalaallit piniarnermut- aamma piniartut kulturiannut atatillugu isiginiarneqassaaq.

Aallaasit peqqissaartumik toqqorneqarneq ajornerannut atasumik Kalaallit Nunaanni arlalinnik unammilligassaqartoq, aamma Kalaallit Nunaanni aallartoornernik arlalinnik, meeqqanik, inuusuttunik aamma inersimasunik peqataaffigineqartunik, pisoqartarsimasoq, Kalaallit Nunaanni Politiit paasisutissiissutigisimavaat. Sakkuminnik susassaqqanngitsunit tikiinneqarsinnaanngitsumik toqqorsinissamik, aallaasinik piginnittut qulakkeerinnittarsimannnginnerannik aallartoornert amerlanertigut pisarput, soorlu aamma sakkut atorneqarsinnaasut imassaat ilaatillugit toqqorneqartartut. Taamaattoqarneratalu malitsigisaanik, ingammik meeqqat angerlarsimaffinni imaluunniit umiarsualivinni pinnguarnerminnut atatillugu, sakkunik nassaarsinnaanerisa aarlerinaateqarnera pilersarpoq.

Tamatuma peqatigisaanik imminut toqunnerit imminullu toqoriarnerit pillugit assersuutissanik nassaassaqarpoq, taakkunani aallaasit atorneqartarlutik. Pisut taakku aamma sakkut peqqissaartumik toqqorneqartannnginnerannut atassuteqarsinnaapput.

Kalaallit Nunaanni toqqissisimaneq annertusiniarlugu, Sakkut pillugit Kalaallit Nunaannut inatsisip nutarterneqarnissaa pisariaqartinneqartoq,

taamaammat qallunaat naalakkersuisuisa Naalakkersuisullu isumaqatigiissutigaa, aamma nutarterineq Kalaallit Nunaanni pissutsit ataqqillugit, matumani kalaallit piniarnermut- aamma aallaaniarnermut kulturiat ilanngullugit, pissasoq isumaqatigiissutigalugu.

Tamanna tunngavigalugu qaqugukkut Kalaallit Nunaanni aallaasinik il.il. aamma aallaasinut imassanik eqqussisoqarsinnaanera, sanasoqarsinnaanera, pissarsisoqarsinnaanera, piginnittoqarsinnaanera, nassataqartoqarsinnaanera imaluunniit atuisoqarsinnaanera pillugit ukiutigut angusassaq killissaatitaasoq ukiunut 15-inut inatsisissatut siunnersuutigineqartup *siullertut* inissippaa. Ukiutigut angusassap killissaatitaasup ukiunut 18-inut killilerlugu aallarnerniarneqannginnerani, Danmarkimisut, aallarnerniarneqannginneranut, kalaallit piniarnermut- aallaaniarnermullu kulturiat, aamma taakku piumasaaqatit tamaasa naammassigunikkut, piniagassat killilersugaasunut ilaannut Kalaallit Nunaanni meeqqat 15-iliisimanngitsunut, aamma sunngiffimmi aallaaniarsinnaanermut allagartamik atuuttumik pigisalinnut akuersissummik pisinnaanerat isiginiarneqarpoq. Kalaallit piniarnermut- aallaaniarnermullu kulturiat eqqarsaatigalugu, ingiaqateqarnissamik aaqquussineq tamatuma peqatigisaanik pilersinneqassasoq siunnersuutigineqarpoq, taamaalilluni, meeraq ingiaqatip inersimasup, inuussutissarsiutigalugu piniarsinnaanermut allagartallip, imaluunniit sunngiffimmi aallaaniarsinnaanermut allagartallip, aamma meeqqamik ingerlaavartumik nakkutiginnittup, eqqannguniippat, meeqqat 15-iliisimanngitsut aamma sunngiffimmi aallaaniarsinnaanermut allagartamik atuuttumik pigisallit aallaasinik imassanillu nassataqarsinnaalissapput atuisinnaalerlutillu.

Kissaammernermi imaluunniit qiimmassimaarnermi, matumani aallartoornerit kiisalu toqutsinerit aamma imminoornerit imminooriarnerillu ikilisinneqarnissaat ilanngullugit, sakkut pequtillu il.il. inatsimmi ilaatinneqartut atorneqarsinnaanissaat ajornarnerulersinniarlugu, aallaasit imassallu il.il. toqqorneqartarnissaat pillugit malittarisassanik eqqussisoqarnissaa, inatsisissatut siunnersuutip *aappaattut* siunertaraa.

## **2. Inatsisissatut siunnersuummi immikkoortut pingaarnerit**

### **2.1. Aallaasinut nakkutilliinissamik aaqquussineq**

### 2.1.1. Inatsisit atuuttut

Kalaallit Nunaanni immikkut ittumik aallaasinut navianassusilinnut tunngatillugu nakkutilliinissamik aaqqissuussinermik peqarpoq, tamatumalu kingorna – politiinit akuersissummik peqarnani – Sakkut pilugit Kalaallit Nunaannut inatsimmi § 1, imm. 1, imm. 1 malillugu, sakkut taakku eqqunneqarnissaat, sananeqarnissaat, pissarsiarineqarnissaat, pigineqarnissaat, nassatarineqarnissaat imaluunniit atorneqarnissaat inerteqqutaavoq. Taamaattoq nakkutilliinissamik aaqqissuussineq Kalaallit Nunaannut inatsimmi § 12 malillugu Kalaallit Nunaanni inuit sakkutuujunngitsut pillugit naalagaaffimmi oqartussaasunut ilaatinneqanngilaq.

Aallaasit nalinginnaasumik sakkutut pequtitut pingaaruteqartut, nukimmik naammattumik annertussusilimmik akunik mattusuunik – ilisaqqunnartumik aqerlunik – igeriussisinnaasutut nassuiarneqarsinnaasut, inatsisissatut siunnersuummi nr. L 36-imi, 7. oktober 1992-imeersumi (Folketingstidende 1992-93, ilanngussaq A-mi, allaaserisap inissaani 898-imi) takuneqarsinnaavoq.

Sakkut, nakkutilliinissamik aaqqissuussinermi ilaatinneqartut, tassaapput illuinnarsuutit assigiinngitsut aamma illuinnarsuutit naatsut kiisalu aallaasit arlalissuarnik aalajangersimasunillu amerlassusilinnik imaqarsinnaasut (hel- aamma automatiskiusut) eqqaataasinnaasut, matumani timmiarsiutit qooroqanngitsunik (manissunik) sullullit/savissallit halvautomatiskiusut, patruuninik marlunnit amerlanerusunik imaqarsinnaasut. Aammattaaq eqqarasuartaatit (maskinpistoler) aamma eqqarasuartaatit (maskingevær-it) uani pineqarput.

Sakkunut nakkutilliinissamik aaqqissuussinermi ilaasunut – politiinit akuersissummik peqqaqqaarani – eqqussinissaq, sananissaq, pissarsinissaq, nassataqarnissaq imaluunniit savissaannik (pibe-nik), kanngiffiinik (låsestole-nik), makisartuinik (bundstykke-inik) aamma niaquusaannik (baskyler-inik) atuinissaq aammattaaq inerteqqutaavoq.

Imassanik, sakkunut nakkutilliinissamik aaqqissuussinermi ilaasunik – politiinit akuersissummik peqqaqqaarani – eqqussinissaq, sananissaq, pissarsinissaq, nassataqarnissaq imaluunniit atuinissaq, matumani patruunit puuinik, ikittaatinik (tændskrue-nik), qaartartuinik (fænghætte-inik), kukuttaataannik aqerlussaanillu (brændrør-inik aamma projektil-inik) ilanngullugit, aammattaaq inerteqqutaavoq.

Piniarnermi sakkut, matumani timmiarsiutit nalinginnaasut aamma qoorortuut ilanngullugit, kisianni sakkut pillugit Kalaallit Nunaannut inatsimmi nakkutilliinissamik aaqqissuussinermi ilaanngillat. Tamanna aamma aallaaseeqqanut (luft- og fjederbøsser-nut) atuuppoq. Sakkunik taamaattunik pissarsisinnaaneq taamaalilluni killeqanngilaq – aamma meeqqanut.

Sakkut ilaasa inerteqqutaanerat pillugu Kalaallit Nunaannut nalunaarummi nr. 1010-mi, 28. oktober 2009-imeersumi inatsisip nakkutilliinissamik aaqqissuussinera annertusineqarpoq. Nakkutilliinissamik aaqqissuussinermi qaartartut miloriuttakkat, qaartartut, qaartartut nunamut assaanneqartartut sakkullu assingusut, nakkutilliinissamik aaqqissuussinermi aamma ilaatinneqartut, nalunaarutip, Sakkut pillugit Kalaallit Nunaannut inatsimmi § 1, imm. 3-mi oqaaseqatigiit siulliit malillugit atulersinneqartup, malitsigaa. Sakkut kemiskiusut, uumassuseqartutigut pinnguutinit sanaajusut, qinngornerit atorlugit saassussinissamut sanaajusut aamma atomit nukinginit sanaajusut aamma sakkunik igeriussissutit, kiisalu sakkuni taamaattuni, sakkunik igeriussissutini atorneqartussatut immikkut ittumik ilusilersugaasut aamma imaluunniit naleqqussagaasut, aammattaaq nakkutilliinissamik aaqqissuussinermi ilaatinneqarput. Laser-it atorlugit sakkuliat ilaat, sakkut kalerrisaarutaasut aamma sakkut gas-itaqaatigalutik kalerrisaarutaasut (paassaannarnik aqerlortaqaanngitsunik imassallit), kalerrisaarineri qummoroortitsissutinik aamma ajunaalernerimi ikumatitanik igitsinissamut taamaallaat sanaajunngitsut.

Inuussutissarsiutigalugu piniarnermut aallaasit halvautomatiskiusut, savissat, kanngiffiit, makisartut aamma inuussutissarsiutigalugu piniarnermut aallaasit halvautomatiskiusut niaquusaat kiisalu sakkunut taakkununnga imassat, matumani patruunit puui, ikittatit, qaartartui, kukuttaataat aqerlussaasallu ilanngullugit, Sakkut pillugit Kalaallit Nunaannut inatsimmi aallaasit inerteqqummit pineqanngitsut pillugit nalunaarutikkut nr. 949-imeersukkut, 10. december 1993-imeersukkut, Sakkut pillugit Kalaallit Nunaannut inatsimmi § 3, oqaaseqatigiit aappata malitsigisaanik atulersinneqartukkut, inuit inuussutissarsiutigalugu piniarnissamut akuersissummik peqartut (inuussutissarsiutigalugu piniarsinnaanermut allagartaq), kiisalu meeqqat 16-it inorlugit ukiullit akuersissummik taamaattumik pillit, nakkutilliinissamik aaqqissuussinermi ilaatinneqanngillat.



Naggataagut Sakkut pillugit Kalaallit Nunaannut inatsimmi imassat/pequtissat inerteqqummit pineqanngitsut pillugit nalunaarutikkut nr. 604-kkut, 1. august 1998-imeersukkut Sakkut pillugit Kalaallit Nunaannut inatsimmi § 1, imm. 3-imi oqaaseqatigiit kingulliit malitsigisaanik atulersinneqartukkut, imassat/pequtissat arlallit assigiinngitsunik suussusillit inatsisip nakkutilliinissamik aaqqissuussineranit ilaatinneqanngillat.

Sakkut pillugit Kalaallit Nunaannut inatsimmi § 2 malillugu, pissarsisup imaluunniit tiguisup akuersissut pisariaqartinneqartoq qimerloortissinnaanngippagu, pequtit atortussiallu nakkutilliinissamik aaqqissuussinermit ilaatinneqartut tunniunneqarnissaat imaluunniit piginnittuunerup allanut tunniunneqarnissaa inerteqqutaavoq. Piviusumi taaku oqarasuaatikkut, internettikkut il.il. tuniniarneqarnissaat aalajangersakkap pisinnaatinngilaa.

Sakkut pillugit Kalaallit Nunaannut inatsimmi § 4 malillugu akuersissummik tunisineq taamaallaat inunnt, inuttut atugarisamikkut maannamullu qanoq inoriaaseqarnerat pillugit paasissutissat pigineqartut tunngavigalugit akuerisaanissamut nangaanartoqartinneqanngitsunut, Sakkut pillugit Kalaallit Nunaannut inatsit malillugu akuersissuteqartoqarsinnaavoq.

Inuup inuttut atugarisai maannamullu qanoq inoriaaseqarnera pillugit paasissutissat pigineqartut tunngavigalugit akuerisaanissamut nangaanartoqartinneqannginersut pillugit, pineqartup sakkumik pigisaqarnera nakkutilliinissamik aaqqissuussinermit ilaatinneqarnera pillugu naliliineq missiliuinerusumik tunngaveqartoq, aamma Kalaallit Nunaanni pissutsit naliliinermit ilaatinneqartussaasut, inatsisissatut siunnersuummi nr. L 36-imi, 7. oktober 1992-imeersumi (Folketingstidende 1992-93-imi, ilanngussaq A-mi, allaaserisap inissaani 900-901-imi) takuneqarsinnaavoq.

Sakkup atonerlunneqarnissaa tunngavissalimmik aarlerinaateqarpat, sakkunik peqarsinnaanermut akuersissut itigartitsissutigineqassaaq. Aallaasinik mianersuaatsumik atuisimaneq immikkut ittumik paasinarsisinneqarpat, tamanna aamma atuuppoq. Pisuni sakkup atonerlunneqarnissaa pillugu pissutissalimmik nalornisoqartillugu, aallaaviusoq tassaassaaq, sakkunik piginninnissamut akuersissutip itigartitsissutigineqarnera. Pinerluttulerinermik suliat

naammassineqareersimasut, pasilliinerit maannakkut pisut kiisalu qinnuteqartup inuttut atugarisai taamaalillutik itigartitsinermut tunngavilersuutaasinnaapput.

Sakkut pillugit Kalaallit Nunaanut inatsit malillugu akuersissutinik pisinnaanissamut ukiutigut angusassaq killissaatitaaq pillugu piunasaqaat atuutinnigilaq, kisianni piaaraluni imaluunniit mianersuaalliorluni meeqqamut 12-it inorlugit ukiulimmut imaluunniit tarnimigut nappaatilimmut, eqqarsartaatsikkut kinguarsimasumut imaluunniit aalakoortumut sakkumik, qaartartumik imaluunniit navianartunik allanik tunniussaartoq, navianartumik illersorneqarsinnaanngitsumik iliuseqartutut pinerluttulerinermi inatsimmi § 90, imm. 1 malillugu eqqartuunneqassaaq.

Siusinnerusukkut Kalaallit Nunaanni pinerluttulerinermi inatsimmi (inatsimmi nr. 55, 5. marts 1954-imeersumi) § 64, imm. 1 aalajangersakkap assigigaa, aalajangersakkamut piareersaataasumik suliat malitsigaat (Folketingstidende 2007-08 (katersat aappaat), ilanngussaq A, qupperneq 1661).

Aalajangersagaq tunngaviusumik pillaaasarnermik inatsimmi § 254-p assigaa, siusinnerusukkut pinerluttulerinermi inatsimmi § 64, imm. 1-imut piareersaataasumik suliani takuneqarsinnaavoq, tassani ukiutigut angusassaq killissaatitaaq taamaattoq ukiunut 15-inut inissinneqarsimalluni. Kalaallit Nunaanni ukiutigut angusassaq killissaatitaaq tassaavoq ukiut 12-it, tassami piffissami pinerluttulerinermi inatsimmi aalajangersakkap inissinneqarfiani tassani, Folketingstidende 1953-54, ilanngussaq A, allaaserisap inissaa 385 malillugu, Kalaallit Nunaanni piffinni amerlasuuni, nukappiaqqat 10-iniit 11-linnut ukiullit piniarnermi peqataasarnerat nalinginnaasuummat.

Aalajangersakkap ajutoornerit pitsaaliorneqarnissaat anguniaraa, pillaaasarnermik inatsimmi § 254-imut piareersaataasumik suliani takuneqarsinnaavoq. Oqaatsimi »tunniussineq«-mi taamaammattamaallaat pisoq, tassani meeraq pissusissamisoortumik nakkutigineqannginnera pineqarpoq (Straffelovskommission-ip isumaliutissiissutaa 1912-imeersoq, § 373, imm. 2, pissutaasut, qupperneq 311).

## 2.1.2. Inatsiseqarnermut ministereqarfiup isumaliutiginninneri aaqqissuussinerlu siunnersuutigineqartoq

### 2.1.2.1. *Ukiutigut angusassaq killissaatitaq pillugu piumasaqaatip atulersinneqarnera*

Qallunaat sakkut pillugit inatsisiliorneranni sakkut pillugit inatsimmi pequtit ilaatinneqartut akuersissummik peqqaarani pissarsiarineqarsinnaanerisa nalinginnaasumik inertigineqarnera atuuppoq. Sakkut pillugit inatsimmi § 2-mi oqaaseqatigiit aappaat malillugu, sakkunut pequtitut sulit allanut, inunnut 18-it inorlugit ukiulinnut inerteqquteqarnek annertusineqarpoq, tamatumalu peqatigisaanik sakkut imassallu il.il. pillugit kaajallaasitaq nr. 10222, 1. december 2016-imeersoq, kingusinnerpaamik kaajallaasitaakkut nr. 9579-ikkut, 6. juli 2023-imeersukkut allangortinneqartoq malillugu, sakkut pillugit inatsimmi § 2, imm. 1 malillugu inuit 16-init inorlugit ukiullit akuersissummik pissarsisinnaanngillunnarput.

Meeqqat aallaasinik atuisinnaasussaanninnerat pissusissamisoortumik aallaaviusutut Inatsiseqarnermut ministereqarfiup isigaa. Kisianni Kalaallit Nunaannut tunngatillugu, kalaallit piniarnermut- aallaaniarnermullu kulturiat pillugit immikkut pissutsit eqqarsaatigineqassapput.

Inatsiseqarnermut ministereqarfik Naalackersuisullu 2018-imi ataatsimeeqatigiippat, tassanilu sakkut pillugit Kalaallit Nunaannut inatsisip naammattumik aamma ullutsinnut naleqquttumik ajutoornernut pinerluttuliornernullu, aallaasinik atuiffiusunut, illersuutaanersoq pillugu oqallinnissaq siunertaralugu sullissisut attuumassuteqartut qaaqquneqarput.

Sakkut pillugit Kalaallit Nunaanni inatsisiliornermi ukiutigut angusassaq killissaatitap nalinginnaasumik ukiunut 16-inut inissinneqarnissaa, piffissami taamanikkut pisumi Kalaallit Nunaanni ineriartornermut aamma kalaallit piniarnermut- aallaaniarnermullu kulturiannut naapertuutissasoq, ataatsimeeqatigiinnermi pingaarnertut isumaqatigiissutigineqarpoq. Ilaatigut tamanna tunngavigalugu sakkut pillugit inatsisip allangortinneqarnissaanut siunnersuut Inatsiseqarnermut ministereqarfiup suliarisimavaa, tassani ukiutigut angusassaq killissaatitaq ukiunut 16-inut inissinneqarluni, taannali naammassineqanngilaq.

Inatsisissatut siunnersuut manna inatsisissatut siunnersuummit 2019-imeersumit aallaavilerlugu suliarineqarpoq, taamaattorli piffissami pisut

akornanniittumi Inatsisartut inatsisiliaat atuutilersinneqartut ilanngunneqarput.

Piniarneq aallaaniarnerlu pillugit Inatsisartut inatsisaat nr. 34, 13. juni 2023-imeersoq ulloq 1. juli 2023 Kalaallit Nunaannut atuutilerpoq. Inatsisikkut ukiutigut angusassaq killissaatitaaq ukiunut 15-inut inissinneqarnera atulersinneqarpoq, taamaalilluni inunnut 15-ileereersimasunut piniagassanut killersugaasunut aallaaniarsinnaanermut akuersissut taamaallaat tunniunneqarsinnaalluni. Inunnut 12-inik ukioqalereersimasunut, piniagassanut killilersugaanngitsunut sunngiffimmi aallaaniarsinnaanermut allagartap pissarsiarineqarsinnaanera inatsisikkut suli periarfissaavoq – taamaattoq pineqartup, 12-it 15-illu akornanni ukioqartup, meeqqap angajoqqaavinit, angajoqqaatut akisussaatitaasumit imaluunniit inummik 18-it sinnerlugit ukiulimmit nammineersinnaassusilimmik ingiaqateqarnissaa piumasqaataavoq.

Sakkut pillugit Kalaallit Nunaannut inatsit malillugu akuersissutit taamaallaat inunnut 15-ileereersimasunut tunniunneqarsinnaasut, tamanna tunngavigalugu siunnersuutigineqarpoq. Sakkut pillugit Kalaallit Nunaannut inatsit malillugu qaqugukkut akuersissummik pissarsisoqarsinnaaneranut piumasqaatit allanngortinneqarnissaat, tamatuma saniatigut anguniarneqanngilaq.

Inuit 15-ileereersimasut aallaasinik kiisalu pequtinik, aallaasitut isikkulinnik aamma sananeqarnermik imaluunniit atortussat atorneqartut malitsigisaannik taamaattunngorlugit sanaqqinneqarsinnaasunik kiisalu aallaasinut aallaasit savissaannik, silussaataannik aamma makisartuinik, niaquusaannik aamma imassaannik, matumani patruunit puui, ikittaataat, qaartartui, kukuttaataat aqerlussallu/ilulissaallu ilanngullugit, inatsimmi § 1, imm. 1 malillugu ilaatinneqartunik sakkunik imaluunniit pequtinik, sakkunik allanik eqqussisinnaanerat, sanasinnaanerat, pissarsisinnaanerat, pigisaqarsinnaanerat, nassataqarsinnaanerat imaluunniit atuisinnaanerat, inerteqqaataassasoq aammattaaq siunnersuutigineqarpoq.

Inunnut 15-ileereersimasunut pequtinik taaneqartunik eqqussinissaq, sananissaq, pissarsinissaq, nassataqarnissaq imaluunniit savissaannik, kanngiffiinik, makisartuinik aamma niaquusaannik atuinissaq suli periarfissaassaaq.

Tassunga atatillugu oqaaseq »aallaaseq« sakkutut nassarneqarsinnaasutut savissalittut, igitsisinnaasutut, igitsisinnaasutut sananeqartutut imaluunniit ingerlatitsissut ikuallajasoq ikiorsiullugu ajornanngitsumik amerlasumik, aqerlunik imaluunniit projektilimik igitsisinnaanngorlugu allanngortinneqarsinnaasutut paasineqassaaq.

Aallaasit saniatigut, pequtit, aallaavimmikkut aallaasiunngitsut, kisianni taamaattutut isikkullit, aamma taamaattunngorlugit sananeqarsinnaasut, inerteqquteqarnissamik siunnersuummi aamma ilaapput.

Sakku tamarmiulluni, aallaasip eqqua minillugu, sinaamigut sipineqarnermigut atorsinnaajunnaartinneqartoq, aallaasitut isigineqanngilaq. Sakkup ima atorsinnaajunnaartinneqarnera, eqqarnermut atorneqarsinnaanani imaluunniit allanngortillugu sananeqarnermigut taamatut atorneqaaqqissinnaanani, tamatumunnga tunngaviuvoq.

Inatsisit malillugit sakkut ilaanik, aallaasit atornissaannut pingaaruteqartutut isigineqartunik, pigisaqarnermi, ukiutigut angusassap killissaatitap avaqqunneqannginnissaat qulakkeerniarlugu, savissat, kanngiffiit, makisartut aamma sakkunut taakkununga niaquusat inerteqquteqarnermi ilaatinneqassasut siunnersuutigineqarpoq.

#### *2.1.2.2. Ingiaqateqarnissamik aaqqissuussinerup atulersinneqarnera*

Kalaallit Nunaanni – ingammik illoqarfiit annerusut avataanni - meeqqat 12-it tungaannut ukiullit aallaaniarnermi peqataasarnerat ileqquvoq. Piffissi arlalinni meeqqap suli apersortitsinnani uumasunik aallaanninnera aamma ileqquvoq.

Kalaallit Nunaanni ileqqut taakku ingerlatiinnarneqarnissaasa qulakkeerneqarnissaat siunertaralugu, ukiutigut angusassamut killissaatitamut piunasaqaat ingiaqateqarnissamik aaqqissuussinernik ilaneqassasoq siunnersuutigineqarpoq.

Inuit 15-ileereersimannngitsut, aallaaniarsinnaanermut akuersissummik atuuttumik pigisaqartut, ukiukitsumik nakkutilliisumik inuk naleqquttumik ingiaqateqarpat, aallaaniarnermut, matumani ooqattaasarneq aamma nakersaaneq ilanngullugit, imaluunniit ooqattaasarnermut atatillugu aallaasimik nassataqarsinnaasoq aamma atuisinnaasoq siunnersuutigineqarpoq. Ingiaqataasoq 18-ileereersimassasoq aamma inuussutissarsiutigalugu piniarsinnaanermut allagartamik- imaluunniit

sunngiffimmi aallaaniarsinnaanermut allagartamik atuuttumik pigisaqassasoq, aammattaaq siunnersuutigineqarpoq.

Ingiaqataasup naleqquttuunissaa siunnersuutigineqarpoq. Pineqartoq aalakoorneq, napparsimaneq, sanngiillisimaneq, qasoruloorneq, sinimmik amigaateqarneq, qiimmassimaarnartunik imaluunniit puuallassimaarnartunik assigisaannilluunniit sunnerneqarneq pissutigalugit ima pissuseqarpat, taanna aarlerinangitsumik aallaasinik isumaginnissinnaanngippat, inuk ingiaqatitut naleqquttuunaviangilaq.

Tamatuma kingorna tunngaviusumik aaqqissuussineq tassaassaaq, inuk 15-iliisimanngitsoq, piniarnermi timmisueriarluni oqattaasarnermiluunniit peqataappat, tamatigut inersimasup aallaasinik akisussaasuusup peqataanissaa.

Kalaallit piniarnermut- aallaaniarnermullu kulturiat aaqqissuussinissatut siunnertuutigineqartumi eqqarsaartigineqarpoq, aamma tamatuma peqatigisaanik inunnut 15-ileereersimanngitsunut, piniarnermi peqataasunut naleqqiullugu, pissutsit toqqissisimaffiusut pilersinneqarput, tassami taakku ingiaqataasumik nammineersinnaassusilimmik nakkutigineqassapput, taassumalu nammineerluni piniarsinnaanissaa aamma, meeqqap sakkumik illersorneqarsinnaasumik isumaginninnissaata qulakkeerniarlugu, naammattumik oqaasissaqarluartuunissaa naatsorsuutigineqartariaqarpoq.

Ingiaqateqarnermik aaqqissuussinissatut siunnersuutigineqartoq aammattaaq timersuut oqattaasarneq ilaatinneqarpoq, timersuullu inunnit 15-ileereersimanngitsunut aamma timersuutigineqarsinnaavoq. Danmarkimi, sakkut imassallu il.il. pillugit nalunaarummi nr. 2531-imi, 20. december 2021-imeersumi malittarisassat malillugit, inuit 16-it inorlugit ukiullit taamaallaat oqattaasarnermut ilitersuisoq ilagalugu oqattaasarsinnaasut, Kalaallit Nunaanni, oqattaasarnermut ilitersuisut akuerineqartarnissaannik aaqqissuussinermik atuiffiunngitsumi, inuit 15-ileereersimanngitsunut, sunngiffimmi aallaaniarsinnaanermut akuersissummik atuuttumik pigisaqartut, naleqquttumik ingiaqateqarluni oqattaasarsinnaanerat siunnersuutigineqarpoq.

Meeqqap ingerlaavartumik ingiaqatip eqqaaniinnissaanik, aamma ingiaqatip ingerlaavartumik, ukiukitsup qanoq iliorneranik nakkutilliinissaanik pisariaqarpallu akuliunnissaanik, nakkutilliinissamik

pisussaaffik kinguneqarpoq. Ukiukitsup aallaaseq pisariaqartinneqartumik mianersorluni isumagissagaa aamma sakku pinnguarilissanngikkaa, tassunga atatillugu ingiaqatip ingerlaavartumik qulakkiissavaa.

Sakkut pequtillu, inummit 15-ileereersimanngitsumit, tigummiarneqartut, piniarnerup imaluunniit timmisueriarluni oqattaasarnerup naanerani, ingiaqataasumut tunniunneqarnissaat, ingiaqataasup qulakkiissallugu aammattaq pisussaaffigaa.

Ingiaqatip pisussaaffini eqqortinngippagu, pineqaatissiissutit aallartinneqarsinnaasut siunnersuutigineqarpoq.

Ukiukitsup ingiaqammik, ingiaqataanissamut piumasqaatinik naammassinnittumik, ingiaqateqarnani piniariarsimaneranut imaluunniit oqattaasariarsimaneranut, angajoqqaatut oqartussaasoq mianersuaalliortutut akisussaatinneqarsinnaappat, angajoqqaatut oqartussaasumut pineqaatissiissutit aallartinneqarsinnaasut, aammattaq siunnersuutigineqarpoq.

Tamanna aallaaniarnermut imaluunniit timmisueriarluni oqattaasarnermut atanngitsumik aallaaseq tunniunneqarpat imaluunniit inummit 15-ileereersimanngitsumut tunniunneqarpat, pineqaatissiinerit aallartinneqarsinnaasut, naggataagut siunnersuutigineqarpoq.

Inatsisissatut siunnersuummi § 1, nr. 2-imiit 3 ilanngullugu aamma 5-miit 7 ilanngullugu, kiisalu taakkununga oqaaseqaatit innersuussutigineqarput.

## **2.2. Toqqorsineq**

### **2.2.1. Inatsisit atuuttut**

Aallaasit imassallu toqqorneqarnissaat pillugit Sakkut pillugit Kalaallit Nunaanut inatsimmi nalinginnaasumik malittarisassanik aalajangersaasoqanngilaq.

Sakkut pillugit Kalaallit Nunaannut inatsimmi § 6 malillugu kisianni politiit § 1 malillugu, isumannaatsuunissaq eqqarsaatigalugu pisariaqartinneqartutut isumaqarfigineqartunik, toqqorsinissaq aamma atuisinnaaneq pillugit piumasqaatinik taamaattunik akuersissuteqarsinnaapput.

Toqqorsinissamut piunasaqaatinik, qallunaat taamanikkut sakkut pillugit nalunaarutaanni § 13-imut (massakkut § 24, imm. 1 atuuttoq) assingusunik, Kalaallit Nunaanni pissutsit pissutigalugit allanngortinneqartunik, politimesteri aalajangersakkanik aalajangersaassasoq, aalajangersakkamut piareersaataasumik suliani (Folketingstidende 1992-93-imi, ilanngussaq A-mi, allaaserisap inissani 901-imi) takuneqarsinnaavoq. Sakkup illersorneqarsinnaasumik toqqorneqassaaq aamma sapinngisamik sumiiffimmi susassaqqanngitsunit tikinneqarsinnaanngitsumi toqqorneqarnissaa pillugit piunasaqaatinik aalajangersaasoqassasoq, tamatumal kinguneraa. Aallaasit, isumannaatsumi toqqorneqanngitsut, toqqorsivimmiluunniit parnaaqqasumi toqqorneqanngitsut, ima toqqorneqassapput, aallaasip parnaarsaataa imaluunniit makisartui peerneqassallutik aamma paarnaarneqarsinnaasumi inissinneqassallutik. Naggataagut imassat immikkoortillugit toqqorsivimmi parnaaqqasumi toqqorneqartussaannerat pillugit piunasaqaatinik aalajangersaasoqarpoq.

Sakkut pillugit Kalaallit Nunaannut inatsimmi malittarisassat, politiit inuiaqatigiinni tamat torersumiinnerannik isumannaarinerat pillugu aammalu inuit ataasiakkaat aamma inuiaqatigiinni tamat isumannaassusaannik il.il. illersuinerat pillugu, kiisalu politiit pineqaatissiissutaagallartunik atuutilersitsisinnaanerat pillugu Kalaallit Nunaannut nalunaarummi (tamam torersumiinnerat pillugu nalunaarummi) § 12, imm. 4-kkut ilaneqarput, tamatumal kingorna sumiiffinni najugaqarfiusuniit kiisalu aqquernernit, illulianit aamma eqqaavissuarnit, najugaqarfiusut avataanniittunit, 500 miiteri tikillugu ungasitsigisumi aallaasit imarneqartassapput.

#### 2.2.2. Inatsiseqarnermut ministereqarfiup isumaliutiginninneri aqqissuussinerlu siunnersuutigineqartoq

Kalaallit Nunaanni arlalinnik aallartoortoqartarsimaneranut, meeqqanik peqataasoqarfiusunik, sakkunik peqqissaanngitsumik toqqorsisarneq pissutaasut ilagigaat, Kalaallit Nunaanni Politiit nalilerpaat. Aammattaaq tamanna pillugu imm. 1-imi qulaani allaaserineqartumi erseqqinnerusumik allanneqartut malillugit, sakkut peqqissaanngitsumik toqqorneqartarnerisa, assersuutigalugu inuit imminoornissamik eqqarsaateqartut imaluunniit kissaammersimaartut aalakoortulluunniit, najugaqarfiusut iluini aallaasersornissamut ussarnartumiitilersinnaavaat. Taamaammatt sakkunut suussutsinut tamarmik imassallu, inatsimmi ilaatinneqartut,



toqqorneqartarnissaannut piumasaqaatit minnerpaaffissaannik  
eqqussisoqartariaqarpoq.

Minnerpaaffissatut piumasaqaatit siunnersuutigineqartut piumasaqaatinit  
Danmarkimi atuuttunit aallaaveqarsinnaanngillat, tamatumalu kingorna  
aallaasit imassat sikaavimmi qularnaarsakkami, sikaavimusami  
toqqorsivimmi il.il., aamma sakkut suuneri apeqqutaatillugit immikkut  
ittumik toqqorneqarnissaannut piumasaqaatit atuutinneqarlutik, tassami  
malittarisassat Kalaallit Nunaanni tamarmi – matumani illuni inissianilu  
minnerusuni – atorneqartussat uani pineqartussaapput.

Aallaasit illersorneqarsinnaasumik aamma susassaqqanngitsunit  
tikinneqarsinnaanngitsumi toqqorneqassasut siunnersuutigineqarpoq.  
Aallaasit imassanit immikkoortillugit toqqorneqassasut, assersuutigalugu  
imassat amusartumi imaluunniit ineeqqami immikkoortumi aallaasimit  
immikkoortillugit toqqorneqarnissaat tamatuma kinguneraa. Aammattaq  
sakkup piginnittup/piginnittut peqataaffiginngisaanik imaaliallaannaq  
tiguneqarsinnaannginnissaa aamma atorneqarsinnaannginnissaa tamatuma  
kinguneraa. Assersuutigalugu taamaallaat makisartuata peerneqarnera  
aamma qoorortuumut sakkup taskianut ilineqarnera naammanngilaq.  
Tassunga taarsiullugu arlaatigut parnaarsinnaasumut ilineqassaaq.

Sakkut erseqqinnerusumik qanoq ililluni tikinneqarsinnaannginnissaat uani  
pingaarnerpaanngilaq. Sakkup sakkuusivimmi akuerisaasumi  
iikkanut naternullu bolterlugu aalajangersakkamut toqqorneqarnissaa,  
taamaalilluni piumasaqaataanngilaq. Tassunga taarsiullugu sakku  
imaluunniit makisartua assersuutigalugu sikaavimmi imaluunniit  
amusartumi nalinginnaasumi qajannaatsumi paarnaarunneqarsinnaavoq,  
sakku sakkup nusuttaataanut parnaarsaatilerneqarsinnaavoq imaluunniit  
sakku pequtinut aalajangersakkanut kalunnilerlugu  
tiguneqarsinnaajunnaarsinneqarsinnaavoq.

Inatsisissatut siunnersuummi § 1, nr. 4, tassungalu oqaaseqaatit  
innersuussutigineqarput.

### **3. Pisortanut aningaasaqarnikkut kingunissaa aamma atortuulersitsinermut kingunissaa**

Politiinut unnerluussisussaataasunullu inatsisissatut siunnersuut  
aningaasaqarnikkut kinguneqarnavianngitsoq nalilerneqarpoq.

[Eqqartuussivinnut aningaasaqarnikkut kingunissaa maannakkuugallartumik naliliineq malillugu killeqassapput, kisianni inatsisissatut siunnersuutip saqqummiunneqarnissaata tungaanut qulaajarneqassapput].

Nunap immikkoortuinut imaluunniit kommuninut aningaasaqarnikkut atortuulersitsinermulluunniit tunngasunik inatsisissatut siunnersuut malitseqassanngilaq.

#### **4. Inuussutissarsiornermut il.il. aningaasaqarnikkut allaffissornikkullu kingunissaa**

Inuussutissarsiornermut aningaasaqarnikkut allaffissornikkullu inatsisissatut siunnersuut kinguneqassanngilaq.

#### **5. Innuttaasunut allaffissornikkut kingunissaa**

Innuttaasunut inatsisissatut siunnersuut killilimmik aningaasartuutaanerusunik kinguneqarneqarnissaa naatsorsuutigineqarpoq, tassami innuttaasut ataasiakkaat, aallaasit toqqorneqartarnissaat pillugit malittarisassat atulersinneqarnerisa kingunerisaannik, sakkup nusuttaataanut parnaarsaatinik assigisaannilluunniit aningaasaliisariaqartussaassapput.

#### **6. Silaannaap pissusaanut kingunissaa**

Inatsisissatut siunnersuut silaannaap pissusaanut kinguneqassanngilaq konsekvenser.

#### **7. Avatangiisit- pinngortitarlu pillugit kingunissaa**

Inatsisissatut siunnersuut avatangiisit- pinngortitamullu pillugit kinguneqassanngilaq.

#### **8. EU-mi inatsisitigut tunngassuteqartut**

Inatsisissatut siunnersuut EU-mi inatsisitigut tunngasunik isiginniffinnik imaqanngilaq.

## 9. Oqartussaasut suleqatigiiffillu il.il. tusarniaaffigineqartut

Inatsisissatut siunnersuummut missingiut piffissami ulloq XX-imit ulloq XX-imut oqartussaasunut suliniaqatigiiffinnut il.il. tulliuuttunut nassiullugu tusarniutigineqarpoq:

Tamatuma saniatigut inatsisissatut siunnersuummut missingiut Kalaallit Nunaanni Namminersorlutik Oqartussanut oqaaseqarfigeqqullugu saqqummiunneqarpoq.

## 10. Immersugaq eqikkaaffiusoq

	Pitsaasumik sunniutissai/aningaasartuutikinnerunerit (angeruit, annertussusaa allaguk/Naaggaaruit allaguk »Soqanngilaq«)	Ajortumik sunniutissai/aningaasartuu-teqarnerunissaq (angeruit, annertussusaa allaguk/Naaggaaruit
Naalagaaffimmut, kommuninut nunallu immikkoortuinut aningaasaqarnikkut kinguneri	Soqanngilaq	Politiinut unnerluussisussaait aasunullu inatsisissatut siunnersuut aningaasaqarnikkut kinguneqarnaviannng itsoq nalilerneqarpoq. [Eqqartuussivinnut aningaasaqarnikkut kingunissaa maannakkuugallartu mik naliliineq malillugu killeqassapput, kisianni inatsisissatut siunnersuutip saqqummiunneqarni

		<p>ssaata tungaanut qulaajarneqassapput ].</p> <p>Nunap immikkoortuinut imaluunniit kommunit aningaasaqarnikkut atortuulersitsinermul luunniit tunngasunik inatsisissatut siunnersuut malitseqassanngilaq.</p>
Naalagaaffimmut, kommunit nunallu immikkoortuinut atuutilersitsinerup kinguneri	Soqanngilaq	Soqanngilaq.
Inuussutissarsiortunut aningaasaqarnikkut kinguneri	Soqanngilaq	Soqanngilaq.
Inuussutissarsiortunut allaffissornikkut kinguneri	Soqanngilaq	<p>Aallaasit toqqorneqartarnissaa t pillugu malittarisassanik eqqussinerup kingunerisaanik innuttaasunut inatsisissatut siunnersuut killilimmik aningaasartuutaaner usunik kinguneqarneqarnissaa naatsorsuutigineqarpoq.</p>

Innuttaasunut allaffissornikkut kingunissaa	Soqanngilaq.	Soqanngilaq.
Avatangiisit pillugit kingunissaa	Soqanngilaq.	Soqanngilaq.
EU-mi inatsisitigut tunngassuteqartut	Inatsisissatut siunnersuut EU-mi inatsisitigut tunngasunik isiginniffinnik imaqanngilaq.	
EU-mi inuussutissarsiortunut sammisumik malittarisassiuinermut tunngavinnut tallimaasunut akerliuvoq (krydsileruk)	Aap	Naagga  X

*Inatsisissatut siunnersuummi aalajangersakkanut ataasiakkaanut  
oqaaseqaatit*

*§ 1-imut*

Nr. 1-imut

Sakkut pillugit Kalaallit Nunaannut inatsimmi § 1, imm. 1 malillugu politiinit akuersissummik peqqaarnani aallaasinik eqqussinissaq, sananissaq, pissarsinissaq, pigisaqarnissaq imaluunniit illuinnarsuutunik aamma illuinnarsuutunik naatsunik tiggummisarissanik allanik, aallaasinik arlalissuarnik aalajangersimasumillu amerlassusilinnik imaqarsinnaasutut eqqaataasinnasunik, matumani timmiarsiutit qoroqanngitsunik (manissunik) sullullit/savissallit halvautomatiskiusut, patronenik amerlasuulinnik marluinnaanngitsunik imaqarsinnaasut, eqqarasuartaatinik (maskinpistol-inik), eqqarasuartaatinik (maskingevær-inik), savissanik, kanngiffinnik, makisartunik aamma niaquusaanik (baskyler-inik), sakkunut nr. 1-imiit 4 ilanngullugu taaneqartut ataanniittunik, taakkualu ataanni patronit puui, ikittaatinik, qaartartuinik, kukuttaataannik aamma aqerlussaannik atuinissaq inerteqqutaavoq.

Oqaatsip "sanianissaq" ima allanngortinneqassasoq "sananissaq" § 1, imm. 1-imi siunnersuutigineqarpoq.

Oqaatsitigut allanngineq uani pineqarpoq, taamaaliomerullu ulluminut naleqquttumik oqaatsip imarisaanik ”sananissaq”-mik atuinissaq siunertaraa.

Nr. 2-mut

Kalaallit Nunaanni qaqugukkut aallaasinik il.il. aallaasinullu imassanik eqquassinissaq, sananissaq, pissarsinissaq, piginninnissaq, tigummiarnissaq imaluunniit atuinissaq pillugit ukiutigut angusassamik killissaatitaasumik atuuttoqanngilaq.

Sakkut pillugit Kalaallit Nunaannut inatsimmi nutaamik § 1 a-mik ilanngussisoqarnissaa siunnersuutigineqarpoq.

Sakkunik kiisalu pequtinik, § 1, *imm.* 1 malillugu aallaasinik immikkut ittumik navianassusilinnik nakkutilliinissamik aaqquissuussinermi ilaatinneqartunik, aallaasinik pequtinillu allanik, aallaasinik pequtinillu allanik, § 1 a-mi nakkutilliinissamik aaqquissuussinermi ilaatinneqartunik, matumani pequtinik aallaasit isikkulinnik aamma sananeqarnermik imaluunniit atortussat atorineqartut malitsigisaannik taamaattunngorlugit sanaqqinneqarsinnaasunik, sakkunut taakkununga taaneqartunut akunik aalajangersimasunik kiisalu imassanik, inunnut 15-ileereersimanngitsunut eqquassinissaq, sananissaq, pissarsinissaq, pigisaqarnissaq, tigummiarnissaq imaluunniit atuinissaq inertequtaassasoq *imm.* 1-imi siunnersuutigineqarpoq.

*Imm.* 1, nr. 2-imi oqaaseq »aallaasit«, sakkutut suugaluartutulluunniit nassatarineqarsinnaasutut sullui/savissaat igeriussisinnaasutut, ingerlatsissut ikuallajasoq atorlugu igeriussisinnaasussatut sananeqartutut imaluunniit amerlasuunik, aqerlumik imaluunniit projektilimik igeriussisinnaanissamat ajornanngitsumik allanngortinneqarsinnaasutut paasineqassaaq.

Sakkut kalerrisaarutaasut aamma sakkut gas-itaqaatigalutik kalerrisaarutaasut (paassaannarnik aqerlortaqaanngitsunik imassallit), allanngortillugit saqqinneqarsinnaanngitsut, aqerlumik projektilimilluunniit igeriussinani, sunniineri taamaallaat nipimik imaluunniit qaammaallatitsinermik pilersitsisartut, aalajangersakkatut siunnersuutigineqartumi ilaatinneqanngillat.

Sakku tamarmiulluni, aallaasip eqqua minillugu, sinaamigut sipineqarnermigut atorsinnaajunnaartinneqartoq, inatsimmi aallaasitut isigineqanngilaq. Sakkup aallaaniassutigalugu imaluunniit sananeqarnerata allanngortinneqarneratigut taamatut atorneqarsinnaasunngorlugu atorsinnaajunnaarsinneqarnera, tassunga tunngaviuvoq.

»Aallaasit kiisalu pequtit, aallaasitut isikkoqartut aamma sananeqarnermik imaluunniit atortussat atorneqartut malitsigisaanik taamaattunngorlugit sanaqqinneqarsinnaasut« pineqartillugit, pequtit aallaasitut isikkullit aamma piviusumik taamaattunngorlugit allanngortinneqarsinnaasut inerteqqutigineqartussaatut siunnersuutigineqartumi taamaallaat ilaatinneqarmata maluginiarneqassaaq. Inerteqqummi kisianni sakkut piviusuunngitsut, imaappoq aallaasinik assiliinerit, ilaatinneqanngillat.

Sakkunut, imm. 1, nr. 2-itut siunnersuutigineqartumi taaneqartunut, savissat, silussaait aamma makisartut, inerteqqutigineqartussatut siunnersuutigineqartumi ilaatinneqarnissaat aalajangersakkap *imm. 1, nr. 3-ani* siunnersuutigineqarpoq. Akut, tamarmik immikkut aallaasip atorneqarsinnaaneranut pingaaruteqartutut isigineqartut, uani pineqarput.

Imassat, matumani aamma patruunit puui, ikittaait, qaartartui, kukuttaait aqerlussallu ilanngullugit, inerteqqutigineqartussatut siunnersuutigineqartumi ilaatinneqassasut, aalajangersakkami *imm. 1, nr. 4-mi* siunnersuutigineqarpoq. Imassanik sananermi komponentit atorneqartussatut assersuutigineqartut aalajangersakkap taasai tamakkiisuunngillat.

Kalaallit Nunaanni piniarnermut- aallaaniarnermullu kulturip eqqarsaatigineqarnissaa aamma, meeqqat 15-ileereersimanngitsut, inersimasumik akisussaassuseqartumik ilaqarlutik, piniarnermi, matumani ooqattaasarnermi aamma nakersaanermi, imaluunniit timmisuariarluni ooqattaasarneq ilanngullugu, peqataasinnaanerat siunertaralugu, ingiaqateqarnermik aaqqissuussinerup atulersinneqarnissaa *imm. 2-mi* siunnersuutigineqarpoq.

Taamaalilluni inuk naleqquttumik ingiaqateqaruni, inuk 15-iliisimanngitsoq, aamma sunngiffimmi aallaaniarsinnaaneremut allagartamik atuuttumik pigisaqartoq, piniarnermut, matumani ooqattaasarnermut aamma nakersaaneremut, timmisuariarluni ooqattaasarnermulluunniit

atatillugu, aallaasinik taakkunungalu imassanik nassatarinnissinnaasoq imaluunniit atuisinnaasoq siunnersuutigineqarpoq.

Ingiaqataasup naleqquttuunissaa siunnersuutigineqarpoq. Pineqartoq aalakoorneq, napparsimaneq, sanngiillisimaneq, qasoruloorneq, sinimmik amigaateqarneq, qiimmassimaarnartunik imaluunniit puuallassimaarnartunik assigisaannilluunniit sunnerneqarneq pissutigalugit ima pissuseqarpat, taanna aarlerinangitsumik aallaasinik isumaginnissinnaanngippat, inuk ingiaqatitut naleqquttuunaviannngilaq.

Ingiaqatigineqartoq aammattaaq 18-ileereersimassasoq aamma inuussutissarsiutigalugu piniarnermut allagartamik- imaluunniit sunngiffimmi aallaaniarsinnaanermut allagartamik atuuttumik pigisaqassasoq siunnersuutigineqarpoq. Kisianni ingiaqataasup ukiukitsullu akornanni atassuteqaateqarnissaq piunasaqaataannngilaq, kisiannili aalajangersakkamut pingaarnertut atorneqarfiusussaq tassaassasoq angajoqqaat, meeqqaminnik piniariaqateqartut imaluunniit oqattaasariaqateqartut, naatsorsuutigineqarpoq.

Ingiaqateqarnissamik aaqqissuussinissatut siunnersuutigineqartoq piniarnermut sammisaqarnermut attuumassuteqartunut taamaallaat atorneqassaaq, matumani ilanngullugit aallaammik nakersarlugu oqattaasaarnermi, sungiusarluni oqattaasarnermi imaluunniit piniagassanik killilersugaanngitsunik piniavinnermi, kiisalu oqattaasarnermut atatillugu. Inuup 15-ileereersimannngitsup aallaat atuiffimmut atuiffimmilluunniit assartuinnermi tigungmiarpagu, allamut sangusoqassanngilaq.

Piniarnermut, matumani oqattaasarneq aamma nakersaaneq ilanngullugit, imaluunniit oqattaasarnermut atatillugu, taakku aallaasinik taakkunungalu imassanik tigungmiaqarpata imaluunniit atuippata, inuup 15-ileereersimannngitsup naleqquttumik ingiaqateqarnissaa angajoqqaatut oqartussaassuseqartup pisussaaffigigaa, *imm. 3-mi* siunnersuutigineqarpoq.

Inuk 15-ileereersimannngitsup piniariarpat imaluunniit oqattaasariarpat, tassungalu atatillugu ingiaqateqarani aallaasinik imassanillu tigungmiaqarpat atuippalluunniit, angajoqqaatut oqartussaasumut pineqaatissiiinernik aallartitsisoqarsinnaasussaavoq. Pisuni taamaattuni assersuutigalugu taakku ukiukitsup piniariarnissaminut imaluunniit oqattaasariarnissaminut piareersarnera takusimagamikku, ukiukitsup



ingiaqateqarani piniariarneranut imaluunniit oqattaasariarneranut  
angajoqqaatut oqartussaasut mianersuaallortutut  
akisussaatinneqarsinnaanerat piunasaqaataassaaq.

Ukiukitsup sunngiffimmi aallaaniarsinnaanermut allagartamik atuuttumik peqarani, 18-iliisimannngitsumik ingiaqateqarluni, imaluunniit sunngiffimmi aallaaniarsinnaanermut allagartamik atuuttumik peqarani piniariarsimaneranut imaluunniit oqattaasariarsimaneranut, angajoqqaatut oqartussaasut mianersuaallortutut akisussaatinneqarsinnaappata, taamatuttaaq angajoqqaatut oqartussaasumut pineqaatissiissutit aallartinneqarsinnaassapput. Ingiaqataasup 18-ileereersimanera aamma inuussutissarsiutigalugu piniarsinnaanermut allagartamik- imaluunniit sunngiffimmi aallaaniarsinnaanermut allagartamik atuuttumik peqarnersoq qulakkiissallugu angajoqqaatut oqartussaasup naleqquttumik ilungersuutigisimanera, assersuutigalugu ingiaqataasup najugaata uppersaataanik imaluunniit originaliusumik kinaassutsimut uppersaammik assitalimmik aamma inuussutissarsiutigalugu piniarsinnaanermut- imaluunniit sunngiffimmi aallaaniarsinnaanermut allagartamik atuuttumik peqarnersoq pillugu takusisimanerat, pisup nalilersorneqarnerani pingartinneqassaaq.

Angajoqqaatut oqartussaasup ingiaqataasup naleqquttuunnginnera nalunngikkunikku imaluunniit nalunngittariaqarunikku, angajoqqaatut oqartussaasumut pineqaatissiissutit aallartinneqarsinnaassasut aammattaaq siunnersuutigineqarpoq.

Inuk, aalakoornep, napparsimanerup, nukillaanganerup, qasusoornerup, sinimmik amigaateqarnerup, qiimmassimaarutitik imaluunniit ilisimajunnaarnartunik assigisaannillunniit sunnerneqarnerup pissutigisaanik ima qanoq issuseqarpat, taassuma aallaasit toqqissisimanartumik passussinnaanagit, inuk ingiaqatitut naleqquttuussanngilaq.

Ingiaqataasup ingerlaavartumik ukiukitsumik nakkutiginninnissaq pisussaaffigissagaa, *imm. 4-mi* siunnersuutigineqarpoq. Ukiukitsup aallaat pisariaqartinneqartumik mianersorluni isumagissagaa aamma pinnguarissanngikkaa, taamaalilluni ingiaqataasup qulakkiissavaa.

Ingiaqataasup qaqugukkullunniit ukiukitsup eqqaaniinnissaa, ingiaqataasup nakkutilliinissamik pisussaaffiata kinguneraa. Ukiukitsumit

ingiaqataasup qanoq ungasitsiginissaa, ilaatigut silap pissusaata aamma ukiukitsup inerisimanerata aamma sakkunik isumaginnissinnaanermik misilittagaqarnerata piviusumik naliliiffigineqarneranik tunngaveqassaaq. Ukiukitsup sulerinera aamma pisariaqarpat akuliussinnaanera ingiaqataasumit takuneqarsinnaanera, naliliinermi pingaarnepaavoq.

Ukiukitsup – ingiaqataasup ukiukitsumik ilitsersuiniaraluaraluarnerata akerlerisaanik – erniinnaarluni sakku pisariaqartinneqartumik mianersorluni isumaginngippagu, ukiukitsumik nakkutilliisussaatitaanerminut atatillugu ingiaqataasup pissutsit assigiinngitsut malillugit, ukiukitsumit sakkumik tigusinissanni pisussaaffigissavaa.

Taassuma piunasaqarnera malillugu ukiukitsup nammineerluni aallaaseq ingiaqataasumut tunniukkumangippagu, ingiaqataasup ukiukitsoq pinngitsaalillugu sakkuanik arsaarniaanissaanik tamanna kinguneqanngilaq. Taamaalilluni taassuma tassunga taarsiullugu piaarnepaamik politiinik attaveqarnera tamannalu pillugu ilisimatitsinera ingiaqataasumut ajoqutaassanngilaq.

Sakkut pequtillu, inummit 15-ileereersimangitsumit tigungmiarneqartut, piniarnerup imaluunniit timmisueriarluni oqattaasarnerup naanerani, ingiaasumut tunniunneqarnissaat qulakkiissallugu ingiaasup aammattaaq pisussaaffigaa. Taamaammat sakku piniarnerup imaluunniit timmisueriarluni oqattaasarnerup naanerani ingiaqataasumut tunniunneqarpat imaluunniit ukiukitsup aallaasimik ingiaqataasumut tunniussiumanginnera ingiaqataasup politiinut nalunaarutigippagu, ingiaqataasup pisussaaffii aatsaat atorunnaassapput.

Ingiaqataasumut ukiukitsup eqqannguaniinngitsumut, imaluunniit ukiukitsumik ingerlaavartumik nakkutiginninngitsumut, imaluunniit ingerlaavartumik ukiukitsumik nakkutilliinngitsumut pineqaatissiissutit allartinneqarsinnaasut siunnersuutigineqarpoq. Taamaalilluni assersuutigalugu ingiaqataasumut nammineq piniarnerminik ima ulapputeqartigisumut, ingiaqataasoq piviusumik meeqqamik nakkutiginnissinnaanani aamma taamaalilluni meeqqamut akuliunnissaq ingiaqataasumut periarfissaanani, taamaalilluni assersuutigalugu pineqaatissiissutinik aallartitsisoqarsinnaassaaq. Ukiukitsup aallaasimik nassatarinninnerani imaluunniit atuinerani, nammineerluni eqqorniakkanik timmisumik oqattaasarnermi igittoq, pissutsit assigiinngitsut malillugit, aamma ingiaqataasumut pineqaatissiissutinik

aallartitsisoqarsinnaassaaq. Meeqqap sakku pinnguarilerpagu, assersuutigalugu ukiukitsup naveerneratigut, ingiaqataasumut sakkumik tunniusseqqullugu piumasaqarfigineqarneratigut imaluunniit ukiukitsup sakku ingiaqataasumut tunniussiumannginneranik politiinut nalunaaruteqarneratigut, ingiaqataasup ukiukitsumik naleqquttumik ilungersuuteqarluni unitsitsiniaaneq ilungersuutiginnippagu, pisut ilaanni pineqaatissiissutinik aammattaaq aallartitsisoqarsinnaassaaq.

Aammattaaq inatsisissatut siunnersuummi § 1, nr. 6-imut aamma 7-imut oqaaseqaatit kiisalu inatsisissatut siunnersuummut nalinginnaasumik oqaaseqaatini imm. 2.1.2.1 aamma 2.1.2.2 innersuussutigineqarput.

Nr. 3-mut

Pissarsisoq imaluunniit tiguisoq pisariaqartinneqartumik akuersissummik takutitsinnippat, sakkut pillugit Kalaallit Nunaannut inatsimmi § 2 malillugu, pequtinik inatsimmi § 1-imi nakkutilliinissamik aaqqissuussinermi ilaatinneqartunik, unniussinissaq imaluunniit piginnittuunerup allanut tunniunneqarnissaa inerteqqutaavoq.

Unioqqutitsineq pinerluttulerinermi inatsimmut tunngatillugu pineqaatissiissutigineqarsinnaappat, piviusumi sakkut, nakkutilliinissamik aaqqissuussinermi ilaatinneqartut, oqarasuaatikkut, internettikkut il.il. tuniniarneqarnissaat aalajangersakkap pisinnaatinngilaa.

Ingiaqateqarnissamik aaqqissuussinerup siunnersuutigineqartup killissarititaasa avataanni inuit 15-ileereersimanngitsumut sakkunik pissarsisinnaannginnissaasa sunnuteqarluartumik illersorneqarnissaa qulakkeerniarlugu, inunmut 15-ileereersimanngitsunut aallaasinik tunniussinissaq pillugu assigisaanik inerteqquteqartoqassasoq, *imm. 2-mi* siunnersuutigineqarpoq. Aallaasinik il.il., § 1 a, *imm. 1-imi* aalajangersagassatut siunnersuutigineqartumi ilaatinneqartunik tunniussinermi, pissarsisup tiguisulluunniit 15-ileereersimanissaa qulakkeerneqassasoq, tassunga atatillugu piumasaqaataavoq.

Assersuutigalugu pineqartup pissarsisup tiguisulluunniit 15-ileereersimanera qulakkeersimanngippagu, inummut 15-ileereersimanngitsumut sakkunik pequtinilluunniit tunniussisimasumut sakkut pillugit Kalaallit Nunaannut inatsimmi § 13-ip malitsigisaanik pisut ilaanni inummut pineqaatissiinerit aallartinneqarsinnaassapput.

Assersuutigalugu, tunniussisup uppersaatinik, matumani najugaqarfik pillugu uppersaat imaluunniit originaliusumik kinaassutsimut uppersaat assitalik ilanngullugit, pisariaqartinneqartunik inuttut takutitsinissaq noqqaassutigisimangippagu, tamanna pisumi pisinnaavoq.

Pisunut ingiaqateqarnissamik aqqissuussinerup avataaniittunut aalajangersagassatut siunnersuutigineqartoq sammitinneqarpoq.

Aammattaaq inatsisissatut siunnersuummi oqaaseqaatini nalinginnaasuni imm. 2.1.2.1 innersuussutigineqarpoq.

Nr. 4-mut

Isumannaallisaaneq eqqarsaatigalugu pisariaqartinneqartut isigineqartariaqartuni, sakkut pillugit Kalaallit Nunaannut inatsimmi § 1 malillugu akuersissummi, toqqorsineq atuisinnaanerlu pillugit sakkut pillugit Kalaallit Nunaannut inatsimmi § 6 malillugu, piumasaqaatinik taamaattunik politiit aalajangersaasinnaapput.

Susasaqanngitsunut sapinngisamik tikinneqarsinnaanngitsuni saku illersorneqarsinnaasumik toqqorneqassasoq pillugu, piumasaqaatinik aalajangersaasoqarsinnaavoq. Aallaasinut, isumannaatsumi toqqorneqarsimangitsunut, toqqorsivimmiluunniit parnaaqqasumi toqqorneqarsimangitsunut, aallaasip parnaarsaataa imaluunniit makisartui peerneqassasut aamma paarnaarneqarsinnaasumi inissinneqassasut pillugit piumasaqaatinik aalajangersaasoqarsinnaavoq. Aammattaaq imassat immikkoortillugit toqqorsivimmi parnaaqqasumi toqqorneqartussaanut pillugit piumasaqaatinik aalajangersaasoqarsinnaavoq.

Taassuma saniatigut sakkut toqqorneqarnissaat pillugit sakkut pillugit Kalaallit Nunaannut inatsit piumasaqaatinik imaqqanngilaq. Taamaammatt sakkut pillugit Kalaallit Nunaannut inatsimmi § 1 malillugu sakkunut immikkut navianassusilinnut akuersissummi aalajangersimasumi tamanna aalajangersarneqarsimappat, sakkut toqqorneqarnissaat pillugit taamaallaat piumasaqaatit atuupput.

Sakkut pequtillu, inatsimmi matumani ilaatinneqartut, illersorneqarsinnaasumik aamma susasaqanngitsunit tikinneqarsinnaajunnaarlugit toqqorneqassasut, imm. 1-imi siunnersuutigineqarpoq.

Kalaallit Nunaanni toqqissimasuunissaq annertusarniarlugu, aallaasit toqqorneqarnissaannut minnerpaamik piumasagaatit atulersinneqarnissaat, aalajangersagassatut siunnersuutigineqartup siunertaraa, tassami aallartoornerit, illoqarfinni najugaqarfiit akornanni aallaasinik igitsisarnerit kiisalu aallaasit atorlugit toqutsinerit imminoornerit aamma taamaaliornissamut misiliinerit amerlassusaannut toqqorsinissamut piumasagaatit pingaaruteqarsinnaapput.

Sakkut pequtillu, § 1, imm. 1 malillugu sakkunut immikkut ittumik navianassusilinnut nakkutilliinissamik aaqqissuussinermi ilaatinneqartut aamma sakkunut pequtinullu § 1 a, imm. 1 malillugu inerteqqutigineqartussatut siunnersuutigineqartuni ilaatinneqartut, aalajangersakkami ilaatinneqassapput. Sakkut, § 1, imm. 3-mi oqaaseqatigiit siulliit malillugit nalunaarutini atulersinneqartuni nakkutilliinissamik aaqqissuussinermi ilaatinneqartut, aammattaq aalajangersakkami ilaatinneqarput.

Sakkup imassanut immikkoortillugu toqqorneqarnissaa, assersuutigalugu imassat amusartumi imaluunniit ineeqqami aallaasimit immikkoortillugit toqqorneqarnissaat, illersorneqarsinnaasumik sakkup toqqorneqarnissaata kinguneraa.

Sakkup tigusariaannaassusaannginnera aamma piginnittup/piginittut peqataatinnagit atorneqarsinnaasusaannginnera, sakkup susassaqqanngitsunit tikiinneqarsinnaannginnissaata kinguneraa. Sakkup qanoq ililluni tikiinneqarsinnaanngitsunngortinnissaa pingaarnerpaajunngilaq. Taamaalilluni sakkup tikiinneqarsinnaanngitsumi toqqorneqarneratigut imaluunniit allakkut akuerisaanngitsumik atorneqarsinnaannginnissaanut qulakkeerneqarneratigut piumasagaat naammassineqarsinnaavoq. Assersuutigalugu sakku imaluunniit makisartoq sikaavimmi qajannaatsumi amusartumiluunniit nalinginnaasumi parnaarunneqarsinnaavoq, sakku sakkup nusuttaataanut parnaarsaatilerneqarsinnaavoq imaluunniit sakku pequtinut aalajangersakkanut kalunnilerlugu tiguneqarsinnaajunnaarsinneqarsinnaavoq. Sakkunik piginnittut arlallit sakkuminnik ataatsimoorlutik toqqorsinerat aamma pingaarnerpaajunngilaq. Taarsiulluguli tillinniap imaluunniit inuup susassaqqanngitsup sakkumik atorneqarsinnaasumik akornuserneqarnani atuisinnaannginnissaa pingaarneruvoq.

Sakkut imassallu il.il. toqqorneqartarnissaat pillugit inatsiseqarnermut ministeri malittarisassanik erseqqinnerusunik aalajangersaanissamut piginnaatinneqassasoq, imm. 2-mi siunnersuutigineqarpoq. Taamaalilluni sakkut pequtillugu il.il. toqqorneqarnissaannut piumasaqaatit minnerpaaffissaannik nalinginnaasunik eqqussisoqarsinnaassaaq. Imm. 2-tut siunnersuutigineqartoq malillugu nalinginnaasunik piumasaqaatit aalajangersarneqarsinnaasut ilassutaattut, sakkut pillugit Kalaallit Nunaanni inatsimmi § 6 malillugu, § 1 malillugu akuersissutini toqqorsinissaq atuisinnaanerlu pillugit piumasaqaatinik piviusunik Kalaallit Nunaanni Politiit suli aalajangersaasinnaassapput.

Piginnaatitsissummut atatillugu Kalaallit Nunaani politiit pisuni piviusuni § 1 malillugu akuersissutinik aalajangersaasinnaanerannik sukannernerusunik, pequtinut § 1 a, imm. 1-imi inerteqquteqarnermi ilaatinneqartunut, politiit malittarisassanik sukannernerusunik aalajangersaasinnaanginnerat, tassunga atatillugu naatsorsuutigineqarpoq.

Sakkup sakkuusivimmi akuerisaasumi iikkanut naternullu bolterlugu aalajangersakkamut toqqorneqarnissaa pillugu aalajangersaasoqarsinnaassannginnera aammattaaq naatsorsuutigineqarpoq.

Aammattaaq inatsisissatut siunnersuummut nalinginnaasumik oqaaseqaatini immikkoortoq 2.2.2 innersuussutigineqarpoq.

Nr. 5-imut

Sakkut pillugit Kalaallit Nunaannut inatsimmi sakkut § 4-imi malillugu inatsit malillugu akuersissutit taamaallaat inunnit, inuttut atugarisaat aamma maannamut inuunerminni ingerlatsinerat pillugit paasisissusissanik nangaanartoqartitsilersunik peqanngitsunit qinnuteqaataasut akuersissutigineqarsinnaapput.

Inuit 15-iliisimangitsut sakkut pillugit Kalaallit Nunaannut inatsimmi § 1-imi inerteqquteqarnermi pequtinik eqqussinissamut, sananissamut, pissarsinissamut, pigisaqarnissamut, nassatarinninnissamut imaluunniit atuinissamut akuersissummik nalunaaruteqarfigineqannginnissaat, § 4-imi erseqqissarneqassasoq siunnersuutigineqarpoq.

§ 1 a, imm. 1-imi nr. 1-imi inerteqquteqarnissamik aalajangersagassatut siunnersuutigineqartup aalajangersagassatut siunnersuutip kinguneraa,

tamatumalu kingorna inunnt 15-iliineqanngitsunut sakkunik pequtinillu § 1, imm. 1-imi ilaatinneqartunik eqqussinissaq, sananissaq, pissarsinissaq, pigisaqarnissaq, tigumminissaq imaluunniit atuinissaq inerteqqutaavoq.

Aammattaaq inatsisissatut siunnersuummi § 1, nr. 2-imut oqaaseqaatit, aamma inatsisissatut siunnersuummut nalinginnaasunik oqaaseqaatini imm. 2.1.2.1 innersuussutigineqarput.

Nr. 6-imut

Sakkut pillugit Kalaallit Nunaannut inatsimmi § 13 malillugu sakkut pillugit inatsisip inerteqquteqarneq- aamma peqqussuteqarneq pillugit aalajangersagartai, Kalaallit Nunaanni pinerluttulerinermi inatsit malillugu pineqaatissinneqarnermik iliuusereriikkanut kinguneqartitsissutaapput.

§ 1 a, imm. 1-imut, 3-mut 4-mullu, kiisalu § 3 a-tut siunnersuutigineqartumi aalajangersakkamut innersuussummik ilanngussisoqarnissaa *imm. 1-imi* siunnersuutigineqarpoq.

Inerteqqutigineqartussatut siunnersuutigineqartoq unioqqutinneqarpat, pinerluttulerineq pillugu inatsiseqartitsineq malillugu akisussaatisisoqarsinnaasoq, § 1 a, imm. 1-imut innersuussinerup kinguneraa. § 1 a, imm. 1 malillugu inerteqquteqarneq inunnt 15-iliisimannngitsunut sammitinneqarmat, pinerluttulerinermi inatsimmi § 16 malillugu inunnt taakkununga kisianni pineqaatissiinermik iliuusereriikkanut kinguneqartitsisoqarsinnaassanngilaq. Kisianni pissutsit assigiinngitsut malillugit inunnt 15-ileereersimasunut, aamma kajumissaarinikkut, siunnersuinikkut imaluunniit sapiitsuliornikkut imaluunniit inatsimmik unioqqutitsinermut peqataanikkut, pinerluttulerinermi inatsimmi § 13 malillugu § 1 a, imm. 1-imi inerteqqutigineqartussatut siunnersuutigineqartumik unioqqutitsinermi peqataasutut akisussaatisisoqarsinnaassaaq.

Aammattaaq tunngaviumik aaqqissuussinermik inatsisissatut siunnersuutikkut aallarniiniartoqarpoq, tamatumalu kingorna inuk 15-iliisimannngitsoq piniariarpat, matumani ooqattaasarneq nakersaanerlu ilanngullugit, imaluunniit timmisueriarluni ooqattaasariarpat, tamatigut inersimasooq sakkup isumagineqarneranut akisussaasuusaaq.

Inuk 15-iliisimangitsoq piniariarpat imaluunniit timmisueriarluni oqattaasariarpat, angajoqqaatut oqartussaasup naleqquttumik ingiaqateqartoqarnissaa akisussaaffigivaa, aamma ingiaqataasup pisussaaffimi eqqortinneqarnissaat akisussaaffigivaa.

Angajoqqaatut akisussaasuusoq inatsit malillugu pisussaamminik unioqqutitsinermini pinerluttulerineq pillugu inatsiseqartitsineq malillugu akisussaatinneqarsinnaassaasoq, § 1 a, imm. 3-tut siunnersuutigineqartumut innersuussinissatut siunnersuutigineqartup kinguneraa.

Ukiukitsup piniariarnissaminut imaluunniit oqattaasariarnissaminut piareersarneranik takusimanerat, assersuutigalugu ukiukitsup ingiaqateqarani piniariarsimappat imaluunniit timmisueriarluni oqattaasariarsimappat, angajoqqaatut oqartussaasut mianersuaalliortutut akisussaatinneqarsinnaaneranni pisuni taamaattuni piumasqaataassaaq.

Ukiukitsup 18-iliisimangitsumik ingiaqateqarluni, imaluunniit sunngiffimmi aallaaniarsinnaanermut allagartamik atuuttumik peqarani piniariarsimanerani imaluunniit timmisueriarluni oqattaasariarsimanerani angajoqqaatut oqartussaasoq mianersuaalliortutut akisussaatinneqarsinnaappat, taamatuttaaq pineqaatissiinerit angajoqqaamut oqartussaasumut aallartinneqarsinnaassapput. Ingiaqataasup 18-ileersimanagera aamma inuussutissarsiutigalugu piniarsinnaanermut allagartamik- imaluunniit sunngiffimmi aallaaniarsinnaanermut allagartamik atuuttumik peqarnersoq qulakkiissallugu angajoqqaatut oqartussaasup naleqquttumik ilungersuutigisimanagera, assersuutigalugu ingiaqataasup najugaata uppersaataanik imaluunniit originaliusumik kinaassutsimut uppersaammik assitalimmik aamma inuussutissarsiutigalugu piniarsinnaanermut- imaluunniit sunngiffimmi aallaaniarsinnaanermut allagartamik atuuttumik peqarnersoq pillugu takusisimanerat, pisup nalilersorneqarnerani pingaartinneqassaaq.

Inatsit malillugu pisussaaffimminik unioqqutitsinermut ingiaqataasoq pinerluttulerineq pillugu inatsiseqartitsineq malillugu akisussaatinneqarsinnaassaasoq, § 1, imm. 4-tut siunnersuutigineqartumut innersuussinissamut siunnersuutigineqartup kinguneraa.

Taamaalilluni ingiaqataasumut ukiukitsup eqqannguaniinngitsumut, imaluunniit ukiukitsumik ingerlaavartumik nakkutiginninngitsumut,



imaluunniit ingerlaavartumik ukiukitsumik nakkutilliinngitsumut pineqaatissiissutit allartinneqarsinnaasut siunnersuutigineqarpoq. Taamaalilluni assersuutigalugu ingiaqataasumut nammineq piniarnerminik ima ulapputeqartigisumut, ingiaqataasoq piviusumik meeqqamik nakkutiginnissinnaanani aamma taamaalilluni meeqqamut akuliunnissaq ingiaqataasumut periarfissaanani, taamaalilluni assersuutigalugu pineqaatissiissutinik aallartitsisoqarsinnaassaaq. Ukiukitsup aallaasimik nassatarinninnerani imaluunniit atuinerani, nammineerluni eqqorniakkanik timmisumik ooqataasarnermi igittoq, pissutsit assigiinngitsut malillugit, aamma ingiaqataasumut pineqaatissiissutinik aallartitsisoqarsinnaassaaq.

Ingiaqataasup ukiukitsup, taanna sakkumik pinngualerpat, assersuutigalugu ukiukitsumik naveersinermigut, ukiukitsup sakkumik ingiaqataasumut tunniussinissaanik piumasaaqateqarnikkut imaluunniit ukiukitsup ingiaqataasumut sakkumik tunniussiumannginnera pillugu paasissutissanik imalinnik politiinut saaffiginninnikkut, ingiaqataasoq naleqquttunik ilungersuuteqanngippat, pisut ilaanni aamma pineqaatissiinerit allartinneqarsinnaassapput.

Sakkut pillugit inatsimmi § 1 a, imm. 3 aamma 4 aamma pinerluttulerinermi inatsimmi § 90, imm. 1 ataatsimoortillugit pissutsit assigiinngitsut malillugit pineqaatissiisoqarsinnaassaaq.

Sakkut toqqorneqarnissaat pillugit inatsisissatut siunnersuummi § 1, nr. 3 malillugu, sakkut pillugit Kalaallit Nunaannut inatsimmi § 3 a-mi aalajangersagassatut siunnersuutigineqartup unioqqutinneqarnera, Kalaallit Nunaanni pinerluttulerinermi inatsit malillugu pineqaatissinneqarnermik iliuusereriikkanut kinguneqartitsissutaasinnaanissaa, naggataagut aalajangersagassatut siunnersuutigineqartup kinguneraa.

§ 1, nr. 1-mmit 3 ilanngullugu oqaaseqaatit, aamma nalinginnaasumik oqaaseqaatini imm. 2.1.2. innersuussutigineqarput.

Nr. 7-imut

Sakkut pillugit Kalaallit Nunaannut inatsimmi § 13 malillugu, sakkut pillugit inatsimmi inerteqquteqarnerit- aamma peqqussuteqarnerit pillugit aalajangersakkat, Kalaallit Nunaanni pinerluttulerinermi inatsit malillugu iliuusereriikkanut kingunerititsinermi aallaaviatigut pineqaatissiissutaasarpud.

Kalaallit Nunaanni pinerluttulerinermi inatsimmi § 16 malillugu, iliuutsit meeqqanit 15-it inorlugit ukiulinnit iliuuserineqartut, pinerluttulerinermi inatsit malillugu pineqaatissinneqarnernik kinguneqarsinnaanngillat.

Pinerluttulerinermi inatsimmi kapitali 37-imi arsaarinnittarneq pillugu malittarisassat erseqqinnerusut aalajangersarneqarput. Arsaarinnittarneq pillugu kapitali 37 tassaavoq pinerluuteqarnermi inatsimmik malitseqartitsinerup allaneruneranik takussutissiisoq. Arsaarinninneq pillugu malittarisassat pineqaatissinertut isigineqannginnerat tamatuma kinguneraa, taamaattoqarneratalu taakku meeqqanut 15-it inorlugit ukiulinnut atorneqarsinnaanerata sunniutigaa.

*Imm. 3-tut* siunnersuutigineqartoq malillugu, inatsisip matuma unioqqutinneqarnerani pinerluttulerinermi inatsimmi malittarisassat malillugit arsaarinnittoqarsinnaavoq.

Sakkut pillugit Kalaallit Nunaannut inatsisip unioqqutinneqarnerani pinerluttulerinermi inatsimmi malittarisassat malillugit arsaarinninnerup suliarineqarsinnaanera, aalajangersakkakut erseqqissarneqarpoq. Taaneqartorpiaat allakkut naammassineqarsinnaappata, sakkut pequtillugu pinerluttulerinermi inatsimmi kapitali 37 malillugu arsaarinnissutigineqarsinnaassasut, taamaalilluni aalajangersakkap erseqqissaavigissallugu siunertaraa.

Inunnut 15-iliisimanningsunut tunngatillugu aamma aalajangersagaq atorneqassaaq, aamma tassani pinerluttulerinermi inatsimmi § 16 malillugu pinerluttulerineq pillugu inatsiseqartitsinermi akisussaatisisoqarsinnaatinnagu atorneqarsinnaalluni. Taamaalillutik politiit assersuutigalugu, inuk 15-iliisimanningsitsoq § 1 a, imm. 2-tut siunnersuutigineqartoq malillugu ingiaqateqarnissamik aaqqissuussinerup avataaniittumik sakkumik pequtimilluunniit arsaarinnissuteqarsinnaassapput. Aammattaaq inatsisissatut siunnersuummi § 1, nr. 6-imut oqaaseqaatit innersuussutigineqarput.

### *§ 2-mut*

Inatsisip ulloq 1. juli 2025 atuutilernissaa siunnersuutigineqarpoq.

Tamatuma malitsigisaanik innuttaasut, matumani inuit 15-iliisimanningsut, aamma inatsisip atuutilinnginnerani, malittarisassat atuuttut malillugit

inatsisit malillugit aallaasinik pigisaqartut, taakkuninnga inunnut, 15-ileereersimasunut tunniussisinnaasut ilanngullugit, malittarisassanut nutaanut malinnaasinnaanissaat periarfissinneqarpoq.

Aammattaaq atuutilerfissaatut piffissaliussap politiit – naleqquttumik annertussusilimmik – malittarisassat nutaat pillugit, assersuutigalugu innuttaasut ataatsimiisinneqarnerannut atatillugu, innuttaasunut ilitersuisinnaanissamik tamatuma periarfississavaat.

**Inatsisissatut siunnersuutip inatsimmut atuuttumut  
ataatsimoortinneqarnera**

*Oqaasertaliussat atuuttut*

*Inatsisissatut siunnersuut*

**§ 1**

Sakkut pillugit Kalaallit Nunaannut inatsimmi nr. 1008-mi 19. december 1992-imeersumi, inatsisikkut nr. 572-ikkut, 10. Maj 2022-imit aamma inatsisikkut nr. 242-ikkut, 7. marts 2023-imeersumit  
allanngortinneqartumi,  
allannguinerit tulliuttut  
suliarineqassapput:

**§ 1.** Kalaallit Nunaanni politimesterimit akuerineqaqqaartinnani inerteqqutaavoq ukuninnga eqquassinissaq, sananissaq, pisinissaq, peqarnissaq, nassatarinninnissaq imaluunniit atuinissaq

- 1) illuinnarsuutit (pistoler aamma revolvere) aallaasillu naatsut tigummisarissat allat,
- 2) aallaasit arlalissuarnik aalajangersimasumillu amerlassusilinnik imaqarsinnaasutut (hel- og halvautomatiske) eqqaataasinnaasut, ilanngullugit timmiarsiutit qooroqanngitsunik (manissunik) sullullit/savissallit

**1.** § 1, imm. 1-imi  
»sanianissaq« ima  
allanngortinneqassaaq:  
»sananissaq«

- 2. »§ 1 a.** Inunnut 15-ileereersimannngitsunut tulliuttunik eqquassinissaq, sananissaq, pissarsinissaq, pigisaqarnissaq, nassatarinninnissaq imaluunniit atuinissaq inerteqqutaavoq
- 5) Sakkut kiisalu pequtit § 1, imm. 1-imi ilaatinneqartunit
- 6) aallaasit allat aamma pequtit, § 1, imm. 1-imi ilaatinneqartunhit allaanerusut, matumani aallaasit isikkoqartut aamma sananeqarnermik

- halvautomatiskiusut,  
 patronenik amerlasuulinnik  
 marluinnaangitsunik  
 imaqarsinnaasut,
- 3) eqqarasuartaatit  
 (maskinpistoler),
- 4) eqqarasuartaatit  
 (maskingeværer),
- 5) aallaasit nr. 1-4-mi  
 taagorneqartut savissaat  
 (piber), kanngiffii  
 (låsestole), makisartui  
 (bundstykker) aamma  
 niaquusaat (baskyler),
- 6) aallaasit nr. 1-4-mi  
 taagorneqartut imassaat  
 (pequtissaat), ilanngullugit  
 aamma patronit  
 imaqqanngitsut, ikittaataat  
 (tændskruer) qaartartui  
 (fænghætter), kukuttaataat  
 aqerlussaallu/ilulissaallu  
 (brandrør og projektiler).

*Imm. 2.* Imm. 1-imi  
 inerteqqutaasunut ilaanngillat  
 aallaaseqqat (luft- aamma  
 fjederbøsser)

*Imm. 3.* Justitsministeri  
 maleruassiorsinnaavoq sakkut  
 imm. 1-imi taaneqartunit  
 allaanerusut ilaatinneqarnissaat  
 pillugu, soorlu aallaasit imm. 1-  
 imi pineqartut inatsit malillugu  
 nakkutilliinissamik  
 aaqqissuussinermi  
 justitsministerip  
 ilaatinngitsoorsinnaallugit.

Kalaallit Nunaanni politimesteri  
 maleruagassiorsinnaavoq imassat  
 (pequtissat) imm. 1-imi, nr. 6-imi

- imaluunniit atortussat  
 atorneqartut  
 malitsigisaanik  
 taamaattunngorlugit  
 sanaqqinneqarsinnaasut  
 ilanngullugit,
- 7) aallaasip savissai,  
 silussaatai aamma  
 makisartui, nr. 1-imi  
 taaneqartut aamma
- 8) aallaasinut imassat,  
 matumani aamma  
 patruunit puui, ikittaatit  
 (tændskruer), qaartartui  
 (fanghætter), kukuttaatit  
 aqerlussallu  
 ilanngullugit.

*Imm. 2.* Imm. 1  
 apeqqutaatinnagu, inuk  
 naleqquttumik ingiaqateqarpat,  
 inuk 15-ileereersimanngitsoq,  
 aamma sunngiffimmi  
 aallaaniarsinnaanermut  
 allagartamik atuuttumik  
 pigisalik, piniarnermut  
 imaluunniit timmisueriarluni  
 ooqattaasarnermut atatillugu,  
 matumani ooqattaassarneq  
 aamma nakersaaneq  
 ilanngullugit, aallaasinik  
 aamma pequtinik imm. 1, nr. 2-  
 miit 4 ilanngullugu  
 taaneqartunik

nassataqarsinnaavoq

imaluunniit atuisinnaavoq

- 3) ingiaasoq 18-  
 ileereersimassaaq aamma
- 4) inuussutissarsiutigalugu  
 piniarsinnaanermut  
 allagartamik imaluunniit

pineqartut inatsit malillugu  
nakkutilliinermik  
aaqqissuussinermi  
ilaatinneqannginnissaat pillugu.

sunngiffimmi  
aallaaniarsinnaanermut  
allagartamik atuuttumik  
peqassaaq.

*Imm. 3.* Piniarnermut,  
matumani ooqattaasarneq  
aamma nakersaaneq  
ilanngullugit, imaluunniit  
timmisuerialuni  
ooqattaasarnermut atatillugu  
inuup pequtit imm. 1, nr. 2-miit  
4 ilanngullugu taaneqartut  
nassarpagit imaluunniit  
atorpagit, imm. 2 malillugu  
inuk 15-ileereersimanngitsoq  
naleqquttumik  
ingiaqateqarnissaat  
angajoqqaatut oqartussaasup  
qulakkiissallugu  
pisussaaffigivaa.

*Imm. 4.* Imm. 2 malillugu  
inuup 15-iliisimanngitsup  
sunngiffimmi  
aallaaniarsinnaanermut  
allagartamik atuuttumik  
peqarnissaa ingiaasup  
qulakkiissallugu  
pisussaaffigaa. Aammattaaq  
ingiaasup inuup 15-  
ileereersimanngitsup  
ingerlaavartumik  
nakkutigineqarnissaa  
pisussaaffigaa, aamma  
piniarnerup imaluunniit  
ooqattaasarnerup naanerani,  
sakkut pequtillu ingiaasumut  
tunniunneqarnissaat  
qulakkiissallugu.«

§ 2. § 1-imi pineqartunik  
allanut tunniussinissaq  
imaluunniit allanut  
pigisassanngortitsinissaq  
inerteqqutaavoq, pissarsisuusoq  
imaluunniit tiguisuusoq  
pisariaqarneratut  
akuerineqarsimanerminik  
takutitsisinnaangippat.

§ 3. Taamaattoq § 1 aamma § 2  
akornutissaqartitsinngillat  
aallaasip savissaasa imaluunniit  
kanngiffiisa, makisartuisa  
imaluunniit niaquusaasa  
iluarsaanneqarnermikkut  
nutraterneqarnissaannut.

3. § 2-mi imm. 2-tut  
ilanngunneqassaaq:

»Imm. 2. Pisuni, pequtlinik  
pissarsinissamut imaluunniit  
pigisqaarnissamut § 1 a, imm. 1  
malillugu ukiutigut  
angusassamik killissaatitaq  
pillugu piumasaqaat  
atuutsillugu, pissarsisup  
imaluunniit tiguisup 15-inik  
ukioqalereersimanini  
uppersarsimanngippagu,  
taakkua tunniunneqarnissaat  
imaluunniit allanut  
pigisassanngortinneqarnissaat  
inerteqqutaavoq, taamaattoq § 1  
a, imm. 2 takuuk.«

4. § 3-p kingorna  
ilanngunneqassaaq:

»§ 3 a. Sakkut pequtillu,  
inatsimmi matumani  
ilaatinneqartut  
susassaqaanngitsunit  
illersorneqarsinnaasumik  
aamma  
tikinneqarsinnaanngitsumik  
toqqorneqassapput.

Imm. 2. Sakkut aamma  
imassat il.il. pillugit  
malittarisassanik,

isumannaatsuunissaq  
eqqarsaatigalugu  
pisariaqartinneqartunik,  
inatsiseqarnermut ministeri  
aalajangersaasinnaavoq.«

*Imm. 2.* Sakkut aamma  
imassat il.il. pillugit  
malittarisassanik,  
isumannaatsuunissaq  
eqqarsaatigalugu  
pisariaqartinneqartunik, politiit  
aalajangersaasinnaapput.«

§ 4. Inatsit manna malillugu  
taamaallaat akuersissummik  
tunineqarsinnaapput inuit, inuttut  
atugarisaat maannamullu qanoq-  
inuuseqarnerat pillugit  
paasissutissat pigineqartut  
tunnavigalugit  
akuersisaanissaannut  
nangaanartoartinneqanngitsut.

*Imm. 2-3. ---*

§ 13. § 1-imik, imm. 1, § 2-  
mik, § 5-imik, § 8-mik, imm. 3, §  
9-mik, § 10-mik, imm. 1 aamma  
5, § 14-imik, imm. 2,  
unioqqutitsineq, aammalu § 1,  
imm. 3 malillugu inerteqqummik  
unioqqutitsineq  
pineqaatitssiissutaasinnaavoq  
pinerluttulerinermik inatsit  
naapertorlugu. Taamatuttaaq  
pineqaatissiinalersoqarsinnaavoq  
kimulluunniit § 6 malillugu  
aalajangikkatut patsisissaatitamik  
malinnikkumannngitsunut.

*Imm. 2. ---*

5. § 4, *imm. 1--imi*, »inuit,«  
kingorna ilanngunneqassaaq:  
»15-inik ukioqaleersimasut,  
aamma«.

6. § 13, *imm. 1-imi*, »§ 1,  
imm. 1,«-p kingorna  
ilanngunneqassaaq: »§ 1 a,  
imm. 1, 3 aamma 4« aamma §  
2-p kingorna  
ilanngunneqassaaq § 3 a,«.

6. § 13, *imm. 1-imi*, »§ 2,«-p  
kingorna ilanngunneqassaaq:  
»§ 3 a,«.

7. § 13-imi *imm. 3-tut*  
ilanngunneqassaaq:



»*Imm.* 3. Inatsimmik  
massuminnga  
unioqquitsinermut  
pinerluttulerinermi inatsimmi  
malittarisassat malillugit  
arsaarinnittoqarsinnaavoq.